



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUO YA GAE (HL)**

**PAMPIRI YA BORARO (P3)**

**NGWANAITSEELE 2010**

**MEMORANTAMO**

**MADUO: 100**

**Memorantamo o, o na le ditsebe di le 15.**

**KAROLO YA A: RUBORIKI YA TSHEKATSHEKO YA GO TSHWAYA TLHAMO (50)**

	<b>Khoutu: 7 Phitlhelelo ka dinaledi</b>	<b>Khoutu: 6 Phitlhelelo ka matsetseleko</b>	<b>Khoutu: 5 Phitlhelelo e e tletseng</b>	<b>Khoutu: 4 Phitlhelelo e e itumedisang</b>	<b>Khoutu: 3 Phitlhelelo ka tekano</b>	<b>Khoutu: 2 Phitlhelelo e e tlhaelang</b>	<b>Khoutu: 1 Ga a fitlhelela</b>
	<b>80 – 100% 24 – 30</b>	<b>70 – 79% 21 – 23½</b>	<b>60 – 69% 18 – 20½</b>	<b>50 – 59% 15 – 17½</b>	<b>40 – 49% 12 – 14½</b>	<b>30 – 39% 9 – 11½</b>	<b>0 – 29% 0 – 8½</b>
<b>DITENG LE IPAANKANYO (MADUO 30)</b>	-Diteng di matsetseleko e bile di boithamedi jo bo kwa godimo. -Dikakanyo di a tsibosa, di a gwetlha e bile di bontsha bogodi. -Ipaakanyetso e ungwile kwalo ya tlhamo e e tlhamegileng, e e se nang diphoso e bile e kgatlhisa.	-Diteng di monate e bile di supa boithamedi. -Dikakanyo di tletse boikakanyetsi e bile di molodi. -Ipaakanyetso e ungwile tlhamo e e tlhamegileng, e ntle e bile e kgatlhisa.	-Diteng di a utlwala, di maleba e bile di a golagana. -Dikakanyo di molodi e bile di usa pelo. -Ipaakanyetso e ungwile tlhamo e e tlhamegileng e bile e kgatlhisa.	-Diteng di maleba e bile di a golagana. -Dikakanyo di molodi e bile di boithamedi jo bo siameng. -Ipaakanyetso e ungwile tlhamo e e tlhamegileng e bile e kgotsofatsa.	-Diteng di magareng e bile tlwaelegile. -Go na le bokoa jwa kgolagano. -Dikakanyo ka kakaretso di maleba. -Boithamedi jo bo bokoa. -Ipaakanyetso e ungwile tlhamo e e tlhamegilennyana e bile e lomagana.	-Diteng go le gantsi ga di tlhologanyesegae. -Ga go na kgolagano ya dintlha. -Dikakanyo di mmalwa e bile di a ipoeletsa. -Ga di a lekanela maemo a Puogae ntle le ipaakanyetso. -Tlhamo ga e a tlhamega sentle.	-Bontsi jwa diteng ga bo maleba. -Ga go na kgolagano. -Dikakanyo di gasagane e bile di a ipoeletsa. -Ipaakanyetso ga e a lekanela. Tlhamo e bokoa.
<b>PUO, SETAELE LE GO TSEREGANYA (MADUO 15)</b>	<b>12 – 15</b> -Kelotlhoko ya kamego ya puo. -Puo le matshwaopuiso di dirisitswe ka tolamo. -O dirisa puo e e maleba thata ya botshwantshi. -Tlhopho ya mafoko e matsetseleko e bile e a kgwedisa. -Setaele, segalo le rejisetara di maleba thata le setlhogo. -Totatota ga go diphoso dipe ka ntlha ya go runwa le go siamisiwa.	<b>10½ – 11½</b> -Kelotlhoko ya kamego ya puo -Puo le matshwaopuiso di siame; o kgona go dirisa puo ya botshwantshi. -Tlhopho ya mafoko e boithamedi e bile e a farologanngwa. -Setaele, segalo le rejisetara di maleba le setlhogo. -Tota ga go diphoso dipe ka ntlha ya go runwa le go siamisiwa.	<b>9 – 10</b> -Kelotlhoko ya kamego ya puo e a bonala. -Puo le matshwaopuiso go le gantsi di nepagetse. -Tlhopho ya mafoko e siametse temana. -Setaele, segalo le rejisetara di siametse setlhogo. -Go le gantsi ga go na diphoso ka ntlha ya go runwa le go siamisiwa.	<b>7½ – 8½</b> -Kelotlhoko ya kamego ya puo e tennyana -Puo e botlhofo, matshwaopuiso a lekanetse. -Tlhopho ya mafoko e lekane. -Setaele, segalo le rejisetara di tsamaelana le ditlhokego tsa setlhogo. -Go sa ntse go na le diphoso tse di mmalwa le fa go runnwe e bile go siamisitswe.	<b>6 – 7</b> -Kelotlhoko ya kamego ya puo e nnye. -Puo e magareng, matshwaopuiso gantsi ga a dirisiwa ka nepo. -Tlhopho ya mafoko e e sa reng sepe. -Setaele, segalo, le rejisetara ga di golagane. -Go na le diphoso di le mmalwa le fa go runnwe e bile go siamisitswe.	<b>4½ – 5½</b> -Puo le matshwaopuiso di bokoa. -Tlhopho ya mafoko e a tlhaela. -Setaele, segalo le rejisetara ga di maleba. -Go phephetha diphoso le fa go runnwe e bile go siamisitswe.	<b>0 – 4</b> -Puo le matshwaopuiso di bokoa thata. -Tlhopho ya mafoko ga e maleba. -Setaele, segalo le rejisetara di fosagetse gotlhelele. -Go phephetha diphoso le ketsaetsego le fa go runnwe e bile go siamisitswe.

	<b>4 – 5</b>	<b>3½</b>	<b>3</b>	<b>2½</b>	<b>2</b>	<b>1½</b>	<b>0 – 1</b>
<b>KAGEGO (MADUO 5)</b>	<ul style="list-style-type: none"> <li>-Kgolo e e golaganang ya setlhogo.</li> <li>-Tlhaloso e e tshelang le e e itlhaotseng.</li> <li>-Dipolelo le ditemana di tlhamilwe ka matsetseleko.</li> <li>-Boleele bo maleba le ditlhokego tsa tlhamo.</li> </ul>	<ul style="list-style-type: none"> <li>-Kgolo e e tlabosang ya dintlha. Di agolagana.</li> <li>-Dipolelo le ditemana di a tlabosa e bile di a farologana.</li> <li>-Boleele bo nepagetse.</li> </ul>	<ul style="list-style-type: none"> <li>-Dintlha tse di farologaneng tse di maleba di a tlhagisiwa.</li> <li>-Dipolelo le ditemana di tlhamilwe sentle.</li> <li>-Boleele bo nepagetse.</li> </ul>	<ul style="list-style-type: none"> <li>-Dintlha dingwe tse di tlhokegang di tlhagisitswe.</li> <li>-Dipolelo le ditemana di ka tswa di fosagetse mo gongwe, mme tlhamo e a tlhaloganyesega.</li> <li>-Boleele bo ratile go nepagala.</li> </ul>	<ul style="list-style-type: none"> <li>-Bontsi jwa dintlha bo tlhagisitswe.</li> <li>-Dipolelo le ditemana di fosagetse fela tlhamo e sa ntse e tlhaloganyesega.</li> <li>-Boleele – e telele/ khutshwane thata.</li> </ul>	<ul style="list-style-type: none"> <li>-Mo gongwe e dule mo setlhogong, mme kelelo ya dikakanyo e a tlhaloganyesega.</li> <li>-Maemo a tlhamego ya dipolelo le ditemana a kwa tlase.</li> <li>-Boleele – e telele/ khutshwane thata.</li> </ul>	<ul style="list-style-type: none"> <li>-E dule mo setlhogong.</li> <li>-Dipolelo le ditemana di tlhakatlhakane, ga di tsamaelane.</li> <li>-Boleele – tlhamo e telele/khutshwane thatathata.</li> </ul>

**KAROLO YA B: RUBORIKI YA GO TSHWAYA DIKWALO TSE DILEELE TSA TIRISANO (30)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80 – 100% 14½ – 18</b>	<b>70 – 79% 13 – 14</b>	<b>60 – 69% 11 – 12½</b>	<b>50 – 59% 9 – 10½</b>	<b>40 – 49% 7½ – 8½</b>	<b>30 – 39% 5½ – 7</b>	<b>0 – 29% 0 – 5</b>
<b>DITENG, TOMAGANO LE POPEGO (MADUO 18)</b>	<p>-Kitso e e namileng, e e manonthotho ya ditlhokego tsa setlhangwa.</p> <p>-Kwalo e e tsepameng e bile e tseneletse - ga a fapoge setlhogo gotlhelele.</p> <p>-Kgolagano e e matsetseleko ya diteng le dikakanyo, dintlha di a tlhalosa e bile di tshegetsang setlhogo.</p> <p>-Bosupi jwa ipaakanyetso bo ungwile setlhangwa se se kgaatlhisang.</p> <p>-O diragaditse melawana ya bothokwa ya sebopego (kagego) sentle.</p>	<p>-Kitso e e siameng thata ya ditlhokego tsa setlhangwa.</p> <p>-Kwalo e e tsepameng - Ga a fapoge setlhogo gotlhelele.</p> <p>-Go kgolagano ya diteng le dikakanyo, dintlha di a tlhalosa e bile di tshegetsang setlhogo.</p> <p>-Bosupi jwa ipaakanyetso bo ungwile setlhangwa se se kgaatlhisang.</p> <p>-O diragaditse melawana ya bothokwa ya sebopego (kagego) sentle.</p>	<p>-Kitso e e siameng ya ditlhokego tsa setlhangwa.</p> <p>-Kwalo – o tsepame, - mme o fapoga setlhogo go le gonnye.</p> <p>-Go le gantsi go na le kgolagano ya diteng le dikakanyo, dintlha di a tlhalosa e bile di tshegetsang setlhogo.</p> <p>-Bosupi jwa ipaakanyetso bo ungwile setlhangwa se se kgaatlhisang, se se siameng.</p> <p>-O diragaditse melawana ya bothokwa ya sebopego (kagego).</p>	<p>-Kitso e e lekanetseng ya ditlhokego tsa setlhangwa.</p> <p>-Kwalo – o a fapoga, mme ga a senye bokao jotlhe jwa tlhamo.</p> <p>-Kgolagano ya diteng le dikakanyo e lekanetse, dintlha dingwe di tshegetsang setlhogo.</p> <p>-Bosupi jwa ipaakanyetso bo ungwile setlhangwa se se kgaatlhisang.</p> <p>-O diragaditse kakanyo e e lekanetseng ya ditlhokego tsa sebopego (kagego).</p>	<p>-Kitso e e magareng ya ditlhokego tsa setlhangwa. Karabelo ya tirokwalo e bontsha tsepamo e e bokoa.</p> <p>-Kwalo – o a fapoga, bokao bo letobo mo mafelong mangwe.</p> <p>-Kgolagano ya diteng le dikakanyo e magareng, dintlha dingwe di tshegetsang setlhogo.</p> <p>-Bosupi jwa ipaakanyetso bo ungwile setlhangwa se se golaneng le go kgaatlhisang go go magareng.</p> <p>-O na le kakanyo e e magareng ya ditlhokego tsa sebopego (kagego) – go na le mo a itlhokomolosang sebopego teng.</p>	<p>-Kitso e e maemotlase ya ditlhokego tsa setlhangwa. Karabelo ya tirokwalo e bontsha tsepamo e e tlhaelang.</p> <p>-Kwalo – o a fapoga, bokao bo utlwale mo mafelong mangwe.</p> <p>-Ga se gantsi go na le kgolagano ya diteng le dikakanyo, dintlha tse di tshegetsang setlhogo di mmalwa.</p> <p>-Le fa go na le ipaakanyetso, ga e a lekanela Puogae. Setlhangwa ga se a tlhagisiwa sentle.</p> <p>-Tiragatso ya melawana ya sebopego (kagego) – e letobo - go na le mo a itlhokomolosang sebopego teng.</p>	<p>-Ga go na kitso ya ditlhokego tsa setlhangwa. Karabelo ya tirokwalo e bontsha tsepamo e e tlhaelang.</p> <p>-Kwalo – o a fapoga, bokao bo utlwale mo mafelong mangwe.</p> <p>-Ga go na kgolagano ya diteng le dikakanyo, dintlha tse di tshegetsang setlhogo di mmalwa.</p> <p>-Ipaakanyetso ga e a lekanela. Setlhangwa ga se a tlhagisiwa sentle.</p> <p>-Ga a diragatsa melawana ya bothokwa ya sebopego (kagego).</p>

	<b>10 – 12</b>	<b>8½ – 9½</b>	<b>7½ – 8</b>	<b>6 – 7</b>	<b>5 – 5½</b>	<b>4 – 4½</b>	<b>0 – 3½</b>
<b>PUO, SETAELE LE GO TSELEGANYA</b>  <b>(MADUO 12)</b>	-Setlhangwa se se tlhamegileng ka manontlhotlho, le ka tirisopuo e e nepagetseng. -Tlotlofoko e maleba thata le maitlhomo, bareetsi le tiriso. -Setaele, segalo le rejisetara di maleba thata le setlhangwa. -Totatota ga go diphoso dipe ka ntlha ya go runwa le go siamisiwa. -Boleele bo nepagetse.	-Setlhangwa se tlhamegile sentle e bile se nepagetse. -Tlotlofoko e maleba thata le maitlhomo, bareetsi le tiriso. -Setaele, segalo le rejisetara tse di maleba go tsamaelana le ditlhokego tsa tiro. - Tota ga go diphoso dipe ka ntlha ya go runwa le go siamisiwa. -Boleele bo nepagetse.	-Setlhangwa se tlhamegile e bile se buisega bonolo. -Tlotlofoko e maleba le maitlhomo, bareetsi (babogedi) le tiriso. -Setaele, segalo le rejisetara di maleba thata. -Go le gantsi ga go na diphoso ka ntlha ya go runwa le go siamisiwa. -Boleele bo nepagetse.	-Setlhangwa se tlhamegile mo go lekaneng. Diphoso ga di kgoreletse kelelo. -Tlotlofoko e lekanetse maitlhomo, bareetsi (babogedi) le tiriso. -Setaele, segalo le rejisetara di maleba. -Diphoso di mmalwa ka ntlha ya go runwa le go siamisiwa. -Boleele bo bonala bo nepagetse.	-Tlhamego ya setlhangwa e maemotlase. Go na le diphoso tse dintsinzana. -Tlotlofoko e a tlhela e bile ga e a lekanela maitlhomo, bareetsi (babogedi) le tiriso. -Se bokoa mabapi le setaele, segalo le rejisetara. -Diphoso di mmalwa le morago ga go runwa le go siamisiwa. -Boleele – se seleele/ sekhutshwane thata.	-Tlhamego ya setlhangwa e bokoa e bile go thata go se thaloganya. -Tlotlofoko e batla go baakanngwa e bile ga e a lekanela maitlhomo, bareetsi (babogedi) le tiriso. -Setaele, segalo le rejisetara ga di maleba. -Se phephetha ka diphoso etswa se runnwe e bile se siamisitswe. -Boleele – se seleele/ sekhutshwane thata.	-Tlhamego ya setlhangwa e bokoa e bile go thatathata go se thaloganya. -Tlotlofoko e batla go baakanngwa go go tseneletseng e bile ga e a lekanela maitlhomo. -Setaele, segalo le rejisetara ga di tsamaelane le setlhogo. -Se phephetha ka diphoso e bile se tletse ketsaetsego le morago ga go se siamisa. -Boleele – se seleele/ sekhutshwane thatathata.

**KAROLO YA C: RUBORIKI YA GO TSHWAYA DITLHANGWA TSE DIKHUTSHWANE TSA TIRISANO/TSA TSHUPETSO/TSHEDIMOSETSO/PONO TSE DI DIRISANG MEKGWA E E FAROLOGANENG YA TLHAELETSANO (20)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80 – 100% 10 – 12</b>	<b>70 – 79% 8½ – 9½</b>	<b>60 – 69% 7½ – 8</b>	<b>50 – 59% 6 – 7</b>	<b>40 – 49% 5 – 5½</b>	<b>30 – 39% 4 – 4½</b>	<b>0 – 29% 0 – 3½</b>
<b>DITENG, IPAANYO LE SEBOPEGO  (MADUO 12)</b>	<p>-Kitso e e namileng, e e manontlhotlo ya ditlhokego tsa sethangwa.</p> <p>-Se bontsha kelotlhoko e e tseneletseng ya tiriso e e anameng ya bokwadi.</p> <p>-Kwalo e e tsepameng, moithuti o bontsha tsenelelo e e tebileng - ga a fapoge setlhogo gotlhelele.</p> <p>-Kgolagano e e matsetseleko ya diteng le dikakanyo, dintlha di a tlhalosa e bile di tshegetsang setlhogo.</p> <p>-Bosupi jwa ipaakanyetso bo ungwile sethangwa se se nepagetseng gotlhelele.</p> <p>-Motlhatlhajwa o tlhamile sethangwa sa sebopego (kagego) se se maleba thata.</p>	<p>-Kitso e e siameng thata ya ditlhokego tsa sethangwa.</p> <p>-Se bontsha kelotlhoko e e phuthologileng ya tiriso e e anameng ya bokwadi.</p> <p>-Kwalo e e tsepameng, moithuti o bontsha tsenelelo - ga a fapoge setlhogo gotlhelele.</p> <p>-Go na le kgolagano ya diteng le dikakanyo, dintlha di a tlhalosa e bile di tshegetsang setlhogo.</p> <p>-Bosupi jwa ipaakanyetso bo ungwile sethangwa se se tshamegileng, se se kgatlhisang.</p> <p>-Motlhatlhajwa o diragaditse melawana ya sebopego (kagego) sentle thata.</p>	<p>-Kitso e e siameng ya ditlhokego tsa sethangwa.</p> <p>-Se bontsha kelotlhoko-kakaretso ya tiriso e e anameng ya ditirokwalo.</p> <p>-Kwalo e e tsepameng, moithuti o bontsha tsenelelo - o fapoge setlhogo go le gonnye.</p> <p>-sethangwa go le gantsi se a golagana mabapi le diteng le dikakanyo le dintlha tse dintsi di tshegetsang setlhogo.</p> <p>-Bosupi jwa ipaakanyetso bo ungwile sethangwa se se siameng thata, se se kgatlhisang.</p> <p>-Motlhatlhajwa o diragaditse melawana ya sebopego (kagego) sentle.</p>	<p>-Kitso e e lekaneng ya ditlhokego tsa sethangwa.</p> <p>-Se bontsha kelotlhokonyana ya tiriso e e anameng ya ditirokwalo.</p> <p>-Kwalo e e tsepameng, moithuti o a fapoga, mme se ga se kgoreletse bokao jotlhe.</p> <p>-Sethangwa se golagana mo go lekaneng mabapi le diteng le dikakanyo, dintlha dingwe di tshegetsang setlhogo.</p> <p>-Bosupi jwa ipaakanyetso bo ungwile sethangwa se se kgotsofatsang, se se kgatlhisang.</p> <p>-Motlhatlhajwa o diragaditse kakanyo e e lekaneng ya ditlhokego tsa sebopego (kagego).</p>	<p>-Kitso e e magareng ya ditlhokego tsa sethangwa.</p> <p>Karabelo ya tirokwalo e bontsha tsepamo e e bokoa.</p> <p>-Se bontsha kitso e e potlananyana ya tiriso e e anameng ya ditirokwalo.</p> <p>-Kwalo - moithuti o a fapoga, bokao bo letobo mo mafelong mangwe.</p> <p>-Kgolagano ya sethangwa e magareng mabapi le diteng le dikakanyo, dintlha dingwe di tshegetsang setlhogo.</p> <p>-Bosupi jwa ipaakanyetso bo ungwile sethangwa se se magareng, se se kgatlhisang.</p> <p>-Motlhatlhajwa o na le kakanyo e e magareng ya ditlhokego tsa sebopego (kagego) - go na le mo a itlhokomolosang sebopego teng..</p>	<p>-Kitso e e maemotlase ya ditlhokego tsa sethangwa.</p> <p>Karabelo ya tirokwalo e bontsha tsepamo e e tlhaelang.</p> <p>-Se bontsha kitso e e tlhaelang ya tiriso e e anameng ya ditirokwalo.</p> <p>-Kwalo - moithuti o a fapoga, bokao ga bo utlwale mo mafelong mangwe.</p> <p>-Sethangwa go le gantsi ga se golagane mabapi le diteng le dikakanyo, dintlha di le mmalwa di tshegetsang setlhogo.</p> <p>-Maemo ga a lekanela Puogae le fa go na le bosupi jwa ipaakanyetso. Sethangwa ga se a tshagisiwa sentle.</p> <p>-Motlhatlhajwa ga a diragatsa melawana ya sebopego sentle.</p>	<p>-Ga go na kitso ya ditlhokego tsa sethangwa.</p> <p>-Ga se bontshe kitso ya tiriso e e anameng ya ditirokwalo.</p> <p>-Kwalo - moithuti o a fapoga, bokao ga bo utlwale mo mafelong mangwe.</p> <p>-Sethangwa ga se golagane mabapi le diteng le dikakanyo, se na le dintlha di le mmalwa tse di tshegetsang setlhogo.</p> <p>-Ipaakanyetso ga e lekana. Sethangwa ga se a tshagisiwa sentle.</p> <p>-Motlhatlhajwa ga a diragatsa melawana ya sebopego.</p>

	7 – 8	7½ – 6	6½ – 5	5½ – 4	4½ – 3	3½ – 3	0 – 2
<b>PUO, SETAELE LE BOSUPI JWA PALO</b>  <b>(MADUO 8)</b>	-Setlhangwa se se tlhamegileng ka manontlhotlho, le ka tirisopuo e e nepagetseng. -Tlotlofoko e maleba thata le maitlhomo, bareetsi le tiriso. -Setaele, segalo le rejisetara di maleba thata le setlhangwa. -Totatota ga go diphoso dipe ka ntlha ya go runwa le go siamisiwa. -Boleele bo nepagetse.	- Setlhangwa se tlhamegile sentle e bile se nepagetse. -Tlotlofoko e maleba thata le maitlhomo, bareetsi le tiriso. -Setaele, segalo le rejisetara tse di maleba go tsamaelana le ditlhokego tsa tiro. - Tota ga go diphoso dipe ka ntlha ya go runwa le go siamisiwa. -Boleele bo nepagetse	.-Setlhangwa se tlhamegile e bile se buisega bonolo. -Tlotlofoko e maleba le maitlhomo, bareetsi (babogedi) le tiriso. -Setaele, segalo le rejisetara di maleba thata. -Go le gantsi ga go na diphoso ka ntlha ya go runwa le go siamisiwa. -Boleele bo nepagetse.	-Setlhangwa se tlhamegile mo go lekaneng. Diphoso ga di kgoreletse kelelo. -Tlotlofoko e lekanetse maitlhomo, bareetsi (babogedi) le tiriso. -Setaele, segalo le rejisetara di maleba. -Diphoso di mmalwa ka ntlha ya go runwa le go siamisiwa. -Boleele bo bonala bo nepagetse.	-Tlhamego ya setlhangwa e maemotlase. Go na le diphoso tse dintsinzana. -Tlotlofoko e a tlhela e bile ga e a lekanela maitlhomo, bareetsi (babogedi) le tiriso. -Se bokoa mabapi le setaele, segalo le rejisetara. -Diphoso di mmalwa le morago ga go runwa le go siamisiwa. -Boleele – se seleele/sekhutshwane thata.	-Tlhamego ya setlhangwa e bokoa e bile go thata go se tlhaloganya. -Tlotlofoko e batla go baakanngwa e bile ga e a lekanela maitlhomo, bareetsi (babogedi) le tiriso. -Setaele, segalo le rejisetara ga di maleba. -Se phephetha ka diphoso etswa se runnwe e bile se siamisitswe. -Boleele – se seleele/sekhutshwane thata.	-Tlhamego ya setlhangwa e bokoa e bile go thatathata go se tlhaloganya. -Tlotlofoko e batla go baakanngwa go go tseeneletseng e bile ga e a lekanela maitlhomo. -Setaele, segalo le rejisetara ga di tsamaelane le setlhogo. -Se phephetha ka diphoso e bile se tletse ketsaetsego le morago ga go se runa le go se siamisa. -Boleele – se seleele/sekhutshwane thatathata.

**KAROLO YA A: TLHAMO****POTSO 1****1.1 Tlhamo ya thanolo**

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano.

Sekao sa setlhogo: Tlhaloso ya setshwantsho.

Dintlha tse di latelang di tshwanetse go elwa tlhoko fa go tshwaiwa tlhamo ya thanolo.

- Setlhogo se tshwanetse go tlhaloganngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha.
- Motlhatlhojwa o tlhalosa bokao jo bo sa tlwaelegang gore mmuisi a tlhaloganye setlhogo le fa e le gore ga a na kitso e e tebileng.
- Dikakanyo di rulagane, di lolame mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

**[50]****KGOTSA****1.2 Tlhamo ya maitlhamo**

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: Se ke batlang go nna sona.

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a tseye karolo e e botlhokwa.
- Karolo e kgolo mo tlamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

**[50]****KGOTSA**

**1.3 Tlhamo ya ngangisano**

Mo tlamong e, motlhatlhojwa o tlhagisa kakanyo, ntlhakemo mme a nganga ka maitlhommo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: Babeteledi ba bana le basadi ba tshwanetse go bolawa. Dumelana kgotsa ganetsana le tlhagiso e.

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tlhagisa ntlhakemo ya gagwe go bontsha boitshimololeli.
- A neye mefutafuta ya dingangisano go tshegetsa ntlhakemo ya gagwe mme a tlhalose se.
- Tlhamo e tlhagisa letlhakore le le lengwe mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhologanyegang mme e pateletse mmuisi go dumelana le tse di tlhagisitsweng. Tlhamo ya mofuta o, e kwalwe ka pakajaanong.

**[50]****KGOTSA****1.4 Tlhamo ya tlhaloso**

Mokwadi mo tlamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: Kgomo mogobeng e wetswa ke namane.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimoleli.
- Motlhatlhojwa a bontshe fa a na le maitemogelo mo setlhogong se.

**[50]****KGOTSA**

### 1.5 Tlhamo ya ngangisano

Mo tthamong e, motlhatlhojwa o tthagisa kakanyo, ntlhakemo mme a nganga ka maitlhommo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: Go botoka go swa go na le go sotlega ka ntlha ya bolwetse jwa Lebolelamading.

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tthagisa ntlhakemo ya gagwe go bontsha boitshimoleledi.
- A neye mefutafuta ya dingangisano go tshegetsa ntlhakemo ya gagwe mme a tlhalose se.
- Tlhamo e tthagisa letlhakore le le lengwe mme dikakanyo di tthagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tthagisa kakanyo e e tlhomameng, e e tlhologanyegang mme e pateletse mmuisi go dumelana le tse di tthagisitweng. Tlhamo ya mofuta o, e kwalwe ka pakajaanong.

**[50]**

### KGOTSA

### 1.6 Tlhamo ya thanolo

Tlhamo ya mofuta o, e tthagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano.

Sekao sa setlhogo: Tlhaloso ya setshwantsho.

Dintlha tse di latelang di tshwanetse go elwa tlhoko fa go tshwaiwa tlhamo ya thanolo.

- Setlhogo se tshwanetse go tlhaloanngwa sentle.
- Go botlhokwa gore se motlhatlhojwa a se buang kgotsa a se tthagisang se tshegediwe ka dintlha.
- Motlhatlhojwa o tlhalosa bokao jo bo sa tlwaelegang gore mmuisi a tlhologanye setlhogo le fa e le gore ga a na kitso e e tebileng.
- Dikakanyo di rulagane, di lolame mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong

**[50]**

### KGOTSA

**1.7 (a) Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: Ga ke dumele, o kare ke a lora...

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe
- Go tshwanetswe ga elwa tlhoko gore mofuta o wa tlhamo o a tlhalosa.

**(b) Tlhamo ya maitlhamo**

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: Ga ke dumele, o kare ke a lora...

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a tseye karolo e e botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

**[50]****KGOTSA**

**1.8 Tlhamo ya tlhaloso**

Mokwadi mo tllhamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Sekao sa setlhogo: Mesola le masula a setso.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimoledi.
- Motlhatlhojwa a bontshe fa a na le maitemogelo mo setlhogong se.

**[50]****PALOGOTLHE YA KAROLO YA A:****50****KAROLO YA B: DITLHANGWA TSE DILEELE TSA TIRISANO****POTSO 2****2.1 LEKWALO LA SEMMUSO**

Lekwalo la semmuso ke le le kwalelwang setheo sengwe se se rileng, motlhatlhojwa o ngongorega kgotsa o lopa thuso ka se a se bonang se diragalela basadi gammogo le bana.

Dintlha tse di tshwanetseng go elwa tlhoko

- Lekwalo le, le lekhutshwane, ka lona motlhatlhojwa o lopa thuso mo go Modirelaloago go namola lelapa le le tlhagisitsweng mo setshwantshong mo bothateng jo le leng mo go bona.
- Go se ka ga nna le diphoso tsa mofuta ofe mo lekwalong le.
- Motlhatlhojwa a neelane ka tshedimosetso ya kwa lelapeng leo go kgontsha setheo go leka go rarabolola bothata jo.
- A kwale dinomore tsa megala kwa o ka fitlhelwang gona go neelana ka bopaki.
- Motlhatlhojwa a kwale diaterese di le pedi, ya gagwe le ya motho yo a mo kwalelang.

**[30]****KGOTSA**

## 2.2 MMUISANO/PUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba buisana ka ga dikakanyo kgotsa ka ga setlhogo sengwe se se rileng. Sebopego sa yona ke sa dipotsotherisano fela ona o dirisiwa gongwe le gongwe ke mongwe le mongwe.

Dintlha tse di tshwanetseng go elwa tlhoko

- Mmuisano o kwalwa ka mokgwa o moterama a kwalang ka ona.
- Go nna dibui di le pedi kgotsa go feta.
- Go nna le setlhogo se motlhatlhojwa a kopang basari mo go sona.
- Dipolelo tsa dibui di nne dikhutshwane.
- Diteng di supe boitlhamedi, kelelo ya dintlha le go tsamaelana ga ditiragalo.
- Maina a dibui a tlhagelele sentle.
- Matseno, mmele le bokhutlo di dirisiwe sentle. Kgang e bontshe tshimologo, setlhoa le tharabololo.
- Puo le moonono di tsamaelane le ditiragalo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

[30]

### KGOTSA

## 2.3 MEMORANTAMO

Memorantamo ke mokgwa wa go neeletsana melaetsa kgotsa dikitsiso. Memorantamo o ka romelwa go tswa go setheopotlana se sengwe go ya go se sengwe, go tswa kwa lefapheng le lengwe go ya go le lengwe kgotsa go tswa mo kantorong e nngwe go ya go e nngwe.

Dintlha tse di tshwanetseng go elwa tlhoko

- Motlhatlhojwa a khutshwafatse dikakanyo tsa gagwe.
- A tlhamalelele dintlha tsa botlhokwa.
- A dirise dipolelo tse di bonolo mme di feletse.
- Karabo e tsenngwe mo seralong.

[30]

### KGOTSA

**2.4 LENANEOTEMA LE METSOTSO YA KOPANO**

Lenaneotema ke kitso le kgobokanyo ya dintlhakgolo tse go tlileng go buiwa ka ga tsona mo kopanong e e rileng. Batlapitsong ba itse se ba se bilediwang le gore ba tle pitsong ba ipaakantse, ba rulagantse ditshwaelo tsa bona sentle.

Dintlha tse di tshwanetseng go elwa tlhoko

- Tshedimosetso yotlhe ya kopano e kwadilwe mo lenaneotemeng gore ditokololo di e bone/di ipaakanye /di bone gore di tsaya letlhakore lefe/di batle dinopolo pele ga kopano gore di tle di nne le tshedimosetso gore kopano e ka ga eng.
- Letlha le lenaneotema le tswileng ka lona ga le a atamelana le kopano.
- Letlha la kopano e e latelang le filwe.

**[30]****PALOGOTLHE YA KAROLO YA B: 30**

**KAROLO YA C: DITLHANGWA TSE DIKHUTSHWANE TSA TIRISANO****POTSO 3****3.1 DITAELO**

Ditaelo ke tshedimosetso ya botlhokwa e e tlhagisiwang pele go diragadiwa kana go diriwa tiro nngwe e e rileng. Ditaelo di tlhagisa tshedimosetso mabapi le se se diriwang gore se diriwe leng, kae, jang.

Dintlha tse di tshwanetseng go elwa tlhoko

- Go neetswe dintlha tsa tshedimosetso tse di tlhokegang.
- Se se tshwanetseng go dirwa se tlhagisitswe ka botlalo.
- Mokgwa o tiro e e laelwang e tshwanetseng go dirwa ka ona o tlhagisitswe.
- Dipolelo tsa motlhatlhojwa di dikhutshwane, di a tshwarega e bile di gakologelwa bonolo.
- Puo e bonolo e bile e a tlhaloganyega.
- Ditaelo di tlhagisitswe ka dintlha e seng temana.

**[20]****KGOTSA****3.2 BUKATSATSI**

Motlhatlhojwa o kwadile maikutlo, dikakanyo le maitemogelo a gagwe.

Dintlha tse di tshwanetseng go elwa tlhoko

- Motlhatlhojwa a ka neela lekwalo la gagwe leina le a le ratang.
- Letsatsi le letlha le a kwalang dikgang ka lona le kwadilwe.
- Mafoko a motho wa ntlha a dirisitswe.
- Dikgang di mo pakajaanong kwa ntle ga tse di setseng di diragetse.
- Dipolelonolo le ditemana tse dikhutshwane di dirisitswe.
- Motlhatlhojwa o dirisitse puo e e tletseng maikutlo.

**[20]****KGOTSA****3.3 PAPATSO**

Papatso ke mokgwa o bagwebi ba o dirisang go re itsise ka ga dikuno tsa bona gore bareki ba tle ba tsiboge ka tshwanelo.

Dintlha tse di tshwanetseng go elwa tlhoko:

- Go ngoka kgatlhego ya mmuisi.
- E bake keletso ya go rua kuno kgotsa tirelo eo.
- Mokwalo o bonale e bile o buisege sentle.
- Sebopego le fonto
- Maitlhommo
- Puo
- Nonofa ya tlhopho ya mmala

**[20]**

**PALOGOTLHE YA KAROLO YA C:**  
**PALOGOTLHE:**

**20**  
**100**